

Bosna i Hercegovina  
Federacija Bosne i Hercegovine  
TUZLANSKI KANTON  
Ministarstvo finansija

Broj: 07/1-11- 11433 /26

Datum: 15.04.2026. godine

Na osnovu člana 70. st. (1) Zakona o javnim nabavkama („Sl. glasnik BiH“ broj: 39/14, 59/22 i 50/24) u postupku javne nabavke usluga funkcionalne podrške za ISFU sistem sa pretplatama Oracle cloud i nadogradnjom ISFU sistema sa dodatnim funkcionalnostima planiranja i budžetiranja, ministar finansija donosi:

## **ODLUKU o izboru najpovoljnijeg ponuđača LOT 2**

### **Član 1.**

Prihvata se Preporuka Komisije za javne nabavke iz Zapisnika o ocjeni ponuda broj: 07/1-11-4790-8/26 od 13.04.2026. godine godine u postupku javne nabavke usluga funkcionalne podrške za ISFU sistem sa pretplatama Oracle cloud i nadogradnjom ISFU sistema sa dodatnim funkcionalnostima planiranja i budžetiranja za LOT 2 – usluge funkcionalne podrške ISFU sistemu te se utvrđuje da je najpovoljniji ponuđač „CORE“ d.o.o. Sarajevo, ul. Marka Marulića 2/IV, ponuda broj: 2026-04-104 od 07.04.2026. godine sa ponudenom cijenom od 176.400,00 KM bez PDV-a.

### **Član 2.**

Sa ponuđačem „CORE“ d.o.o. Sarajevo zaključiti će se Ugovor o javnoj nabavci, a u skladu sa članom 72. i 98. Zakona o javnim nabavkama BiH („Službene novine BiH“ broj: 39/14, 59/22 i 50/24).

### **Član 3.**

Ova odluka objaviće se na web-stranici Ministarstva finansija, [www.minfintk.ba](http://www.minfintk.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6). Zakona o javnim nabavkama BiH („Službene novine BiH“, broj: 39/14, 59/22 i 50/24).

### **Član 4.**

Ova odluka stupa na snagu danom donošenja.

## **Obrazloženje**

Postupak javne nabavke usluga funkcionalne podrške za ISFU sistem sa pretplatama Oracle cloud i nadogradnjom ISFU sistema sa dodatnim funkcionalnostima planiranja i budžetiranja pokrenut je Odlukom o pokretanju postupka nabavke broj: 07/1-11-4625/26 od 17.02.2026. godine. Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena.

Procijenjena vrijednost javne nabavke za LOT 2 – usluge funkcionalne podrške ISFU sistemu iznosila je 176.400,00 KM (bez PDV-a) za period od 36 mjeseci. Obavještenje o nabavci broj: 111-1-2-6-3-26/26 objavljeno je na Portalu javnih nabavki 24.02.2026. godine.

Komisija za javnu nabavku imenovana Rješenjem o imenovanju Komisije za javnu nabavku broj: 07/1-11-4790/26 od 19.02.2026. godine izvršila je otvaranje i ocjenu pristigle ponude ponuđača „CORE“ d.o.o. Sarajevo dana 13.04.2026. godine.

Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 07/1-11-4790-8/26 od 13.04.2026. godine, sa preporukom o izboru kao i izvještaju o radu Komisije u postupku predmetne javne nabavke za LOT 2- usluge funkcionalne podrške ISFU sistemu.

Iz Zapisnika je utvrđeno da je Komisija za javnu nabavku blagovremeno i pravilno izvršila otvaranje pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna);
- da je blagovremena zaprimljena 1 (jedna) ponuda;
- da nema neblagovremeno zaprimljenih ponuda;
- da ponuda ponuđača ispunjava uslove predviđene tenderskom dokumentacijom te je sačinila rang listu ponuđača kako slijedi:

LOT 2- usluge funkcionalne podrške ISFU sistemu

Redni broj	Naziv ponuđača	Ukupna cijena sa popustom bez PDV-a (KM)
1	„CORE“ d.o.o. Sarajevo	176.400,00 KM

Održavanje e-aukcije bilo je predviđeno tenderskom dokumentacijom, a uzimajući u obzir činjenicu da je pristigla samo jedna ponuda koja je ocijenjena kao kvalifikovana, e-aukcija se nije zakazivala.

Komisija za javnu nabavku je predložila da se ugovor za nabavku usluga za LOT 2- usluge funkcionalne podrške ISFU sistemu zaključi sa ponuđačem „CORE“ d.o.o. Sarajevo, ponuda broj: 2026-04-104 od 07.04.2026. godine sa ponudnom cijenom od 176.400,00 KM bez PDV-a za period izvršenja usluga od 36 mjeseci.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ će zaključiti ugovor sa ponuđačem „CORE“ d.o.o. Sarajevo čija ponuda je ocijenjena kao najuspješnija sa ponudnom cijenom u skladu sa kriterijem za dodjelu ugovora – najniža cijena, kao što je odlučeno u članu 1. dispozitiva ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom ili elektronskim putem i to u najmanje tri primjerka.

DOSTAVITI:

- „CORE“ d.o.o. Sarajevo
- a/a

MINISTAR  
Suad Mustajbašić, dipl. ecc

